

ԱՇԽԱՏՈՒԹՅՈՒՆ՝ ՆՎԻՐՎԱԾ ՓՈՔՐ ԱՆԻԱՅԻ ՔԱՌԱԿՈՒՄԷ
ԽԱՉԱԶՆՎ ԼԱՏԱԿԱԿԵՐՈՎ ՏԱՀԱՐՆԵՐԻ ՈՒՍՈՒՄՆԱՍԻՐՈՒԹՅԱՆԸ

Հույն ճարտարապետ և բյուզանդադետ Գեորգիոս Դիմիտրոկալլիսը 1978 թ. ուշադրաւ մի աշխատութիւն է հրատարակել, որը նվիրված է Փոքր Ասիայի քառակուսի-խաչաձև հատակազօծով տաճարների ուսումնասիրութեանը¹։ Գրքի հեղինակը ի մի է հավաքել զմիարամատչելի տարբեր հանդեսներում ու մենագրութիւններում Փոքր Ասիայի հիշյալ տիպին վերաբերող տաճարների մասին հրատարակված նյութերը։ Այս ուսումնասիրութիւնը առաջին անգամ հրատարակվել է 1967 թ. Μικρασιατικὰ ἱερὴ κτίσματα (Փոքրասիական տարիգիրք) գիտական հանդեսի 13-րդ հատորում (էջ 81—183) և 1969 թ. արժանացել է Επιστ. Νέα Συναγωγή (Նոր Զմյուռնիայի կենտրոն) մրցանակին։ Նրա մասին տարբեր հանդեսներում յայտնեն տեսել զրկատական գրախոսականներ։ Առաջին հրատարակութիւնից ավելի քան մեկ տասնամյակ անց ճարտարապետական այդ տիպի մի շարք նորահայտ եկեղեցիների մասին արտասահմանում յայտնեն տեսել բազմաթիվ հոդվածներ², բայց Գ. Դիմիտրոկալլիսի աշխատութիւնը շարունակում է մնալ որպէս հիշյալ նյութի վերաբերյալ մի ամբողջական, բնդհանրացնող գործ։ Նշելով, որ նման մենագրութիւն կամ հետազոտութիւն չկա ոչ հունարեն և ոչ եվրոպական լեզուներով, Գ. Դիմիտրոկալլիսը հիշատակում է միայն Գյուլիեի արդեն հնացած, բնդհանուր բնութիւն երկու գործերը³։

Գրքի հեղինակը նշում է, որ Փոքր Ասիայի բյուզանդական հուշարձանները զեռես անծանոթ են ուսումնասիրողներին։ Երկար տարածութիւնները, վատ հաղորդակցութիւնը և քաղում այլ հատուկ պայմանները զմիարացնում են հետազոտողների գործը։ Ուսումնասիրութեան բավարար վիճակի առումով նա առանձնացնում է Տրապիզոնի հուշարձանները, որոնք զեռես անցյալ դարից սկսած հետազոտվել են բազմաթիվ օտար և հույն մասնագետների կողմից։

Գ. Դիմիտրոկալլիսն իր գրքում նախ խոսում է քառակուսի-խաչաձև հատակազօծի առաջացման սկսմանների մասին և ցույց տալիս, որ ներկայումս բնդունված է Գ. Միլեի կար-

¹ Γεωργίου Δημητρίου Κάλλη, Οι μικρασιατικές εγγεγραμμένες ναοί τῆς Μικρᾶς Ἀσίας, Ἀθήναι, 1978, 122 σελ., 96 εικ. Գեորգիոս Դիմիտրոկալլիս, Փոքր Ասիայի քառակուսի-խաչաձև հատակազօծով տաճարները, Աթենք, 1978, 122 էջ, 96 նկար։

² Marcel Restle, Byzantine Wall Paintings of Asia Minor. Recklinghausen, 1967 vol. I, pp. 108, 110, 126, pl. 487, նույնի, Zwei Höhlenkirchen in Hacı İsmail Dere bei Ayvalı („Jahrbuch der Österreichischen Byzantinistik“, Bd. XXII (1973), S. 260), Hans Buchwald, Sardis Church E — A. Preliminary Report („Jahrbuch der Österreichischen Byzantinistik“, Bd. XXVI (1977), SS. 265—299, Abb. 1—25), Nicole Thierry, Etudes Cappadociennes—Region du Hasan Dagi, Complements pour 1974 („Cahiers Archéologiques“, vol. XXIV (1975), p. 185, figg. 3, 5), Nezir Firatlı, Türk Tarih Kurumu Basimevi, Ankara, 1972, p. 125: Semavi Eyice, Pirelli, Kassim, 1974, pp. 10—11, Tarihde Bolu („Türkiye Tarih ve Otomobil Kurumu Bellekleri“, Mayıs—Haziran, 1975).

³ Guyer, Die Bedeutung der christlichen Baukunst des inneren Kleinasien für die allgemeine Kunstgeschichte („Byzantinische Zeitschrift“, Bd. XXXIII (1933), S. 78—104, 313—330), նույնի, Les monuments chrétiens en Asie Mineure, „Atti III Congresso Internazionale di Archeologia Cristiana, Ravenna, 1932“, Roma, 1934, pp. 433—458.

Քիբրոսը ըստ որի հիշյալ տիպի առաջացել է ռազատ խաչիս և եռանավ բազիլիկայի հատակագծերի միաձուլումից: Որպես Հունաստանում հանդիպող նմանօրինակ նազույն հուշարձաններ, Գ. Դիմիտրոկալլիսը նշում է Բեովտիաի Սկրիպու տաճարը (կառուցված 873—874 թթ.), Սկիրոսի բերդի եպիսկոպոսարանը (895 թ.) և մի քանի այլ կառույցներ: Փոքր Ասիայի հիշյալ տիպի հուշարձանների մասին խոսելիս, հեղինակը վկայակոչում է Գ. Ղը ժերֆանիոնի և Ժ. Լաֆոնտենի կարծիքները Կապադովկիայի տաճարների վերաբերյալ: Ըստ նրանց դրանք թվագրվում են X դ. և համարվում Կոստանդնուպոլսի աղղեցությունը կրող: Գ. Դիմիտրոկալլիսը չի բաժանում այս կարծիքը՝ մատնանշելով մայրաքաղաքի և Կապադովկիայի տաճարների ճարտարապետական զգալի տարբերությունները: Այստեղ նա բերում է Ու. Մ. Ռամզեյի և Զ. Լ. Բելլի միանգամայն տարբեր կարծիքները, որոնց համաձայն Կենտրոնական Փոքր Ասիայի տաճարներն ավելի մոտ են կանգնած ներքին Ասիային, Հայաստանին և Միջագետքին, քան Կոստանդնուպոլսին և ծովափնյա երկրներին: Գ. Դիմիտրոկալլիսը գտնում է, որ Ռամզեյն ու Բելլը իրենց սեփական դիտարկումներով Լև հանդել այդ տեսակետին, և ոչ թե Ստրոնգոպսկու աղղեցությամբ:

Անցնելով հիմնական հարցին, Գ. Դիմիտրոկալլիսը գրում է. «Ինչ վերաբերում է ամբողջ Փոքր Ասիային, ապա պետք է ընդունենք Հայաստանի աղղեցությունը, որտեղ քառակուսի-խաչածև հատակագծով տաճարներ կային դեռևս VII դարի սկզբից... ինչպես, օրինակ, Բազարանի, էջմիածնի, Թալինի, Վաղարշապատի՝ Գայանեի, Մրենի տաճարները: Հեղինակը չի բացառում այդ տիպի տաճարների առաջացումը նեց Փոքր Ասիայում և բերում է հույն մասնագետ Գ. Սոտիրիուի կարծիքը, որի համաձայն նման հատակագծի առաջին քայլերն առկա են Պոնտոսի Հեֆակիայի տաճարում: Գ. Դիմիտրոկալլիսը վկայակոչում է Փոքր Ասիայի IV—VI դդ. թվագրվող, անգամ II—III դդ. Սիրիայի Մուսմիե վայրում գտնվող Ֆենայի հոռմեական մի հուշարձանի մասին այլ ուսումնասիրողների կարծիքները, որոնց համաձայն վերջինիցս են ծագել հայկական և բյուզանդական՝ քառակուսի-խաչածև հատակագծով տաճարները: Բայց Գ. Դիմիտրոկալլիսի համոզմամբ, առայժմ այդ ենթադրությունն ընդունել չի կարելի, քանզի հիշյալ հուշարձանն աշխարհադրականորեն ու պատմականորեն շատ է առանձնացած: Վավերի շուտ պետք է բացատրենք որևէ կապ դրանց միջև,— գրում է նա:

Այստեղ հեղինակը խոսում է Փոքր Ասիայի քառակուսի-խաչածև հատակագծով տաճարների աղղեցության մասին՝ իտալական միջնադարյան ճարտարապետության վրա:

«Մորֆոլոգիական տարրեր» վերնագիրը կրող բաժնում Գ. Դիմիտրոկալլիսը կանգ է առնում հիշյալ հատակագծով տաճարների ճարտարապետական տարրերի վրա, ինչպիսիք են 1) հատակագիծ, 2) խորան և աբսիդ, 3) մույթեր, 4) գմբեթներ, 5) աղեղներ ու կամարներ, 6) շինարարական նյութեր և այլն:

Գրքի ամենածավալուն բաժնում տրվում է հիշյալ տիպի 43 տաճարների ցուցակը՝ յուրաքանչյուր հուշարձանի մասին համառոտ տեղեկություններով, նկարներով ու հատակագծերով, մանրամասն մատենագիտությամբ: Արևմտյան Հայաստանի բնակավայրերի հուշարձաններից հիշատակված են Իսպիրի (Սպեր, XIII դ.), Բաբերդի, Սվազի (Սերաստիա, X—XII դդ.) եկեղեցիները: Սերաստիայի բյուզանդական փոքր եկեղեցու մասին, որ 1649 թ. նկարագրել է էվլիյա Չելեբին և որն այսօր մզկիթի է վերածված, Գ. Դիմիտրոկալլիսը գրում է, թե հայտնի չէ, սկզբում այն հայկական է եղել, թե հունական:

Գիրքն ունի ֆրանսերեն ամփոփում: Գեոգրիոս Դիմիտրոկալլիսի փոքրիկ, ընդհանրացնող գիրքը կարող է օգտակար լինել նաև հայ միջնադարյան ճարտարապետության մասնագետներին:

ՀՐԱԶ ԲԱՐԹԵԿՅԱՆ

Պատմական գիտությունների դոկտոր